

進賢縣志卷二十

列女

昔孔子刪詩而美柏舟之節春秋於宋伯姬書卒書葬所以著其賢行勸天下之婦道也蔚宗傳列女而不黜文姬識者譏之矣進賢爲縣不二百里而其中守節全貞捐軀明志者悉數難終此邦清淑之氣鍾于女子者不少焉其以身殉節者統歸貞節不別著烈婦一門而孝婦孝女賢媛悉以類從焉

列女節婦

節婦



宋

吳中孚妻少寡景定初兵亂攜孤女自沉於邑之染埠曰義不辱吾夫也

呂氏王粹甫妻少寡止一女織紵爲食歲饑有強聘之者乃撫膺慟哭抱女赴水死萬存君爲傳其事

涂氏吳世靜妻早寡以紡績自給淳祐庚申聞北兵遊騎至章江渡撫其女慟哭曰世亂如此必至辱身將何面目見汝父于地下乎遂同赴水而死

元

陳氏北隅趙時燭妻早寡時當宗國顛覆搶攘氏能以貞節保身全家淑子抗鄉閭延祐初詔旌之富州判官張穀誌其墓胡氏萬性善妻年十七生子興而性善歿諸兄弟以興幼不足恃諷欲嫁之泣不應一日歸寧諸姊妹以利害旁引曲譬務相感應言未旣而禮幣至門矣乃引刀斫案仆地氣絕良久甦曰必欲強我命盡今日衆懼而止卽日趣裝還自是不復歸矣揭文安公表其門曰貞烈

羅氏姊妹俱龍興羅仲敬女姊嫁姜興一妹嫁興二至正乙亥俱擄於寇欲汚之不從迫脇以去行至十都之楓橋乃曰吾寧死義不受辱姊妹同赴水死

吳氏王憲章妻將樂尹吳允德女館甥於家年二十三夫卒子

進賢縣志 卷二十一
耕甫三歲時父仕蜀母氏繼歿舅姑亦亡而守節保孤全二氏宗祀於貧困欲墜之秋女志端年十五適黃希文三載夫亡無子誓死無二天母老志終養歸濟南陽渡指水曰願與母同孀居共守孤節教耕爲儒

葉氏徐彥良妻彥良當元末紅巾賊起舉義兵衛鄉里竟死於寇氏年二十二艱難搶攘矢志不移撫孤成立巡按采其事入本邑厚倫集同邑包彥孝贊曰有洗者徐奮立義兵乃捐其生憤弗成城有變者葉忍死全嬰義守其經安節亨貞嗚呼夫婦獲其攸寧天道弗昧俾後仍仍忠節令名垂千百齡

明

胡氏搭橋吳安泰妻早寡服闋其母憫其無子將改嫁之嬾泣曰妾不幸無夫又不幸無子願從地下語旣潛縊于室從姑暨鄰嫗驚救之終誓弗二育伯之子爲嗣正統末令張沖以實聞旌其門

涂氏陳氏崇禮鄉熊叔輝叔信妻也昆弟繼亡涂年二十餘子持貞方娠陳甫二十子持則生半歲娣姒相與刻厲屏華茹淡以禮自防日勤紡績奉舅姑兩孤克自樹立俱年七十皓首無瑕正統間令張沖以狀聞詔以陳卒例無旌旌涂爲節婦

萬氏曾翊如妻翊如隨父任歿於官氏聞之慟幾滅性年甫二

進賢縣志 卷二十一 三
十三父母欲奪其志氏以死自誓繼伯子由勉撫若已出孀
居四十年如一日成化間令呂聲以事上詔旌其門

謝氏十都熊時雅妻早寡一子僅歲餘誓不再適令吳璉以事
聞詔旌之

齊氏鞠秋華妻早寡守節成化間旌表

楊氏三十一二都舒矜式妻年二十三守節終身不逾人無間
言令吳璉以事聞詔旌之

艾氏邑庠生傅金妻年二十金卒哭葬以禮父母憐其無嗣諷
令再適不從姑九旬愛敬如一日孀居五十餘載事聞詔旌
之

吳氏二十二都文鑑妻鑑亡惟一女在襁褓誓不再適以從子
祿爲嗣奉姑惟謹貞節之稱內外無間事上旌其門

李氏顏會宗之妻早寡一子繼亡復立支子父母欲奪之自誓
不復歸寧年八十五以疾終

蔡氏邑廩生張彥遜妻也彥遜屢舉不第卒蔡年二十四二子
宣節襁褓嘗歸寧母欲奪其志蔡曰汝婿有藐二孤我去孤
誰托乎至宣節漸長及孫淮俱遣就例歷任京衛州佐賢德
表著終始一節

吳氏庠生萬春妻成化癸卯春故吳甫二紀無子擇族子爲後
訓教以禮隣族貧乏者氏調卹之

羅氏斂江人歸儒士萬欽知府福仲子也欽苦學早世時氏年二十六撫孤瀾七歲事翁姑以孝聞壽八十二始終一節人無間言瀾承母訓爲鄉善士令吳大本上其事旌之

陳氏二十三都晏鎮妻也年二十二鎮歿遺孤文瀾生甫七月有謂其子幼年輕諷之異志者陳決以死誓自是苦節自甘教子瀾爲諸生身歿令程光甸匾其宅曰完節

支氏幼性貞淑適儒士方義立嘉靖庚申義立遊館溺水聞訃哀慟竟日夕越數日悉出其有歸於姑沐浴更衣登樓自縊時年二十有四事聞令程光甸題曰一終遂志一時士大夫咸賦詩哀之萬鏗詩曰身爲夫君許存亡敢自由浮光春易

老逝水恨難收無復人間事相從地下遊精魂同日月遺烈汗青留

楊氏生員方仁全妻年二十夫死無子依母終節奉旨建坊題曰節烈流芳

聶氏生員樊徹妻徹天氏年二十一越三月舉遺腹子輪撫孤守節後輪以貢至訓導萬厯間旌其門

鄧氏李壽妻壽卒鄧年十七哭慟誓死及葬卽自縊以殉萬厯間旌其門

王氏馬坤妻坤卒王年十九欲自縊家人防之甚密得不死自茹苦撫孤足不踰閭者五十餘載萬厯間旌其門

萬氏西隅人儒士傅柰妻柰天氏年二十三遺子澤四歲勤紡績事姑嚴督責爲訓孀居六十年清苦惟一萬歷甲戌令俞嘉言旌之曰節壽

胡氏金城妻知詩書工縫紉年二十一夫卒子廷球未週氏念殉夫遺孤無托勵志撫育稍長親督課之至授舉業遣就外傳家雖貧奉師以禮而尤敬不幸踰五旬而卒例未及表衆咸悼之

譚氏程邦翰妻夫死于楚氏年二十二子朝清甫週氏矢志育孤事姑以孝一日姑病目盲禱天願代不數日而復明子清賓於鄉孫甚衆人以爲孝節之報云

楊氏十二都胡天德妻嫁夫八載而孀忍守五十六載撫兩孤成立教行義方事姑衰暮無違令黃汝亨詳旌

吳氏蚤歸子孝繼守婦貞觸棺哭墓惟願同死強存遺腹之孤篤備後姑之養見令黃汝亨壇石事記

張氏十七都儒生金爍妻也祖琅與琳琬琰四兄弟皆從名儒萬敬山遊家法嚴肅爍不幸早喪氏年方二十三時二子皆幼稚季尚在遺腹氏念姑胡王姑艾俱寡強勉節哀慰事之加謹終身不御彩色不見笑容遇子姪輒引避撫御臧獲無疾言遽色而下亦畏憚之以勤儉綜家事及子成人教以義方自奉菲薄待賓師則豐兩姑先後歿葬以禮稱未亡人者

通賢縣志 卷二
七十餘年而中間以婦而爲子兼以母而爲父者終始如一也天啟五年令黃廷師上其事于觀風使者田珍題請奉旨旌爲貞節之門

徐氏儒生金之輅妻年二十四夫死母欲奪其志昏且泣血不輟忍撫孤子孝事舅姑克勤克儉以終其志士矜稱之

羅氏樊學卿之妻同知羅希賢女也年二十二卽孀居供二髦之甘旨撫六日之孤嬰三十餘年雪榦霜標冰清玉潔遠邇誦之臺使屢旌其門

鄧氏陶會三媳會三病欲絕鄧剖股烹湯進會三食之霍然再食全愈氏弗言翁亦弗知踰月後鄉里相傳欲舉旌鄧固辭

曰吾盡吾心耳事在天啟七年三月

徐氏太學生李大縉妻大司空輔媳夫天氏年二十一不習華侈冰操數十年如一日教育藐孤雲升爲諸生克持門戶事聞臺司屢旌其門

熊氏大學饒秉沁妻尚書熊尚文女秉性貞淑克嫻女訓年十七秉沁死氏卽慟毀誓不再嫁有說之者百計不能奪也遺腹生子之竒撫育成立補邑庠生年五十卒三十餘年冰操凜然內外無間言

張氏新建大學士張位孫女尚寶丞張大朴女年十七歸生員饒宇榮事翁姑惟謹宗黨內外翕然稱之戊子七月偕夫遊

通賢集卷二
兵河東同被執兵將加刃槩因盡出釵釧贖槩死兵卒害之
氏捨地哀號求敝蓆覆槩屍拜成禮兵方眈眈促與俱去氏
曰吾相門女尚書子婦豈從汝行乎遂撞石死槩屍側兵歎
息策馬去前三水令羅公儀則爲文紀之

樊氏北山樊公黼女年十九歸南昌高紹甫二載而紹亡無嗣
誓不改適紹弟緝方五歲撫之有成爲娶樊氏其族妹也踰
七年緝亦卒妻泣曰吾姊以節持吾獨不能自勵乎遂姊妹
同心苦守事舅姑孝緝遺兩孤分而子之各以壽終里人稱
雙節宏治間詔旌之

呂氏九媪者山頭呂翁女也主嘉靖壬寅以乙卯歸熊僑生子
明邀隆慶丁卯僑卒呂年二十六守志冰蘖自持紡績教子
邀壯歲補弟子員娶太浦樊氏生孫大願萬曆庚子邀卒呂
與樊撫願至萬曆辛亥樊又先卒天啟癸亥呂乃考終年八
十二願亦娶太浦樊氏年過壯亦殞子又矢僅有一女孫字
九都陶鳳鎮子而願妻樊年三十寡居克撫女孫稱三世貞
節云

吳氏文學熊明遠之副配其父本南昌塾師也萬曆丁亥歸遠
遠有學行元配樊早卒氏治家井井性莊整儉約卽妯娌未
嘗見其喜色年二十七生子人定而夫卒定方一歲氏曰有
藐孤在良人不死矣及戊午定娶口湖徐刺史來風女氏訓

飭尤勤甲子定采芹復娶草溪黃氏女爲副壬午定以餼次
入國學崇正甲申因世變歸里丙戌九月二十二兵過里中
倉皇同媳徐氏黃氏走避龍岐沙洲賊至刃氏以逼二媳二
媳大罵伏于姑身遂同受刃死定葬氏于南昌汪家橋二媳
附焉

呂氏文學熊廷詔繼妻也生子衝律徵詔早卒氏撫三子俱成
立性嚴謹每諸子諸子婦有過必杖之晨炊夜績必躬先之
諸子婦雖抱疾不敢倦也氏生萬曆乙亥年八十餘卒

胡氏者本羅灣女子處士熊汝漑妻也年二十五孀居苦節自
勵睦于妯娌子士旦士用以行著氏之訓也享年七十九萬

曆庚申考終令周光祖區旌之媳鄔子章氏年二十四夫士
旦卒氏奉姑孝治家肅勤紡績以撫二孤而厥子惟燦亦早
故無嗣其妻羅舍高氏年十八哀痛絕食幾以身殉三世未
亡人熒熒相倚飲冰今高氏年登七十歷境愈苦人稱世節
沙湖李氏六媪者儒生熊士聖妻也年十八夫亡一慟幾絕矢
死靡他敬事舅姑足不踰閭直指韓文浚區旌其門年七十
有四天啟五年考終

神浦謝氏文學熊惟簡妻也兵掠被執不辱挾行至簔衣港口
赴水有子可常

邑城何氏文學熊惟燮妻也避亂走匿叢棘中被遊騎跡獲挾

行至桂花塘畔投水不沒項受連刃死先是七月氏聞族中
喻恭人以烈死慟哭嗟歎曰今世變不可測恭人吾師也至
是果盡節

陳氏生員舒駿聲妻暨姪舒才十妻陶氏被掠斷臂不從行至
涇口呼天墜馬溺死不半日屍浮水面其子負以歸葬以上舊志

附錄

謝氏十都庠生萬學龍妻夫歿守節堅貞

吳氏十都萬大用妻夫歿舅姑欲奪其志氏矢志不移

汪氏十都萬廷選妻生子甫八月而廷選歿家計貧困氏拮
据教子終始不易

夏氏十都萬邦緯妻秉性莊靜夫早歿氏清貞自守撫孤成

立

龔氏十三四都胡重輝妻年二十六夫卒姑疾亟割股和藥
進之而愈年八十二卒

陳氏十都胡正容妻年二十三夫卒水漿不入口者七日送
葬歸號血仆地而卒

國朝

顏氏十一都庠生陶唐盛妻生員顏朝尹女歸寧途遇兵避下
馬塘舒宅被獲誓死不污受刃後猶手持其衣帶甚固唐盛
親為解之始釋焉英靈不僵遠邇聞者莫不流涕

吳氏三十五都會廷觀妻如鵬媳戊子聞亂卽刺字于衣裾中
曰如鵬之媳廷觀之妻從容就義視死如歸兵至被執受刃
死數日後人見其衣裾所題識者莫不傳誦嘆其烈云

姜氏二十九都陶丑妻熊成三強擄不從自刎死令王斗樞申
詳有弱質鴻輕冰心山立夫生不以單弱易心夫死不以存
亡改節迨逢強暴益勵堅操等語恤刑霍 題請奉

旨建坊

萬氏二十三都官溪胡仕卓妻十七都草港村萬三女乙酉九
月二十四夫婦被金兵所執見夫殺乃厲言罵兵兵欲汙之
勁節不從後拘至省始終如一兵殺之鄉中同執者收其尸

火化焉

倪氏二十三都官溪胡仕從妻二十六都倪坊村倪應龍女母
陳氏年十九歲未嫁乙酉九月避兵至翁姑家適兵至遂逃
于餘干縣濠池村後兵圍濠池村倪氏被執兵欲汙之不從
以刃臨之乃頭觸地曰身可殺不可辱兵怒遂殺之

萬氏十七都尊塘萬家女澁塘村支賢九妻年二十二歲賢九
亡首七後有相士指之曰此婦要穿七件麻衣萬自恨數奇
遂沐浴自縊于臥室內

余氏訓導余昌祚女官溪生員胡 妻戊子逆賊四掠余與夫
俱被執賊持之上馬凡十數上復墜堅不從遂被殺

楊氏文夙成妻水北橋楊吉女時賊至其地楊抱一方睥兒赴水死翼日得尸本族一老嫗詈之曰是應死也婦女皆隨兵去汝是何人斷然投水嗟乎風俗之衰廉恥盡喪至此其視楊氏何如哉

蕭氏二十二都元里文可仁妻餘干盧泉蕭雍女適可仁年二十而寡無子誓不再嫁守身嚴密獨居一樓諸人不得登梯族中內外老幼咸敬禮之處樓上六十五年八十四終真節婦也

龔氏徐師選妻選以順治戊子爲流矢所中死時龔年二十養姑撫子艱苦守志康熙乙丑年旌

陶氏生員王藩妻年十七歸藩閱四載藩病亟謂陶曰我無兄弟堂上二老汝當代吾終養言訖而瞑陶遵命勉爲未亡人孝養備至立嗣撫之嗣歿復撫孫成立乾隆元年旌

傅氏儒童胡江魁妻生子數月江魁病劇氏誓以身殉江魁曰如是則胡氏絕矣呱呱者誰託乎時氏年二十有五涕泣從命撫孤成立乾隆元年旌

洪氏趙孟旦妻年二十二夫亡姑老子幼忍死守志家徒壁立艱苦備嘗守節三十三年始終如一至乾隆元年旌

周氏儒童王浩妻年二十六浩亡有娠不得殉撫遺腹子四歲殤爰繼姪其舟承祧教育成名乾隆元年旌

于氏雷兆英妻二十二歲夫故親操井臼敝衣藿食堅守無怨言事翁姑得歡心撫孤元成名乾隆元年 旌

鍾氏樊秉謙妻十八歸秉謙二十四歲夫亡氏絕粒殆斃姑以水漿灌之始甦諭曰汝死吾二老何依氏迺揮淚治喪事翁姑如夫在日撫姪惺承祧延師督學成名能振家聲乾隆二
年 旌

文氏儒童胡天錫妻天錫亡氏年甫二十歲慟絕欲殉姑諭止之奉姑撫孤俱從十指辦給苦節三十七年乾隆三年 旌
熊氏黃先耀妻年十九歲而寡善事姑病劇割股救之得愈撫立繼嗣苦節四十一年乾隆六年 旌

蕭氏張人瓏妻年二十七歲夫故氏因翁姑年老孤子無依勉畱食息仰事俯蓄各盡其道守節四十一年乾隆六年 旌
焦氏二十四五都儒童萬景信妻年二十一歲夫故焦泣曰夫死不能葬不婦子幼不能撫不母吾誓忍死以無貽亡者之憾於地下終身守志不二邑令溫儀贈有畫荻操霜匾額壽九十終乾隆八年 旌

曹氏三十三都章岡傅紹賓妻二十八歲夫亡守節養老撫孤克全婦道母職乾隆八年 旌

孫氏儒童萬守相妻年二十三歲夫亡家貧無子勤紡績養舅姑葬祭皆能成禮撫姪爲後苦節三十八年乾隆十年 旌

喻氏齊汝成妻年二十七歲夫亡貧而無子藉女紅爲養舅姑嘗曰自吾有媳吾不知兒之亡也後十年乃自縫上下衣及履往夫墓手挖土深尺許血泪交漬雉經於其側族人爲之合葬其墓在齊屋背山後柞岡乾隆十年旌

熊氏艾顯達妻年二十一夫亡姑病垂危割股救愈守節五十七年乾隆十一年旌

徐氏雷秉齡妻生子方月餘齡卒徐自經救之良久始甦乃截髮入殮時年二十七有諷其貳者復斷小指自盟事祖姑十年無間撫孤生孫復相繼沒苦節五十四年乾隆十一年旌

熊氏儒士支傳妻年二十二歸傳七載傳歿自命爲未亡人勤紡績養翁姑延師課子棠少年遊泮苦節四十一年乾隆十一年旌

雷氏喻公掖妻年十歲歸養於喻卽諳事舅姑至二十四年夫亡守節家貧遇歉歲不舉火者常累日餓幾絕復甦無悔志乾隆十四年旌

朱氏黃居唐妻年二十一歲適居唐七年居唐病故朱守節以婦道兼子職撫繼嗣一如親生乾隆十三年旌

萬氏陳啟燧妻年二十三歲夫歿氏以數月遺胎生子撫之成立乾隆十三年旌

雷氏儒童羅興俊妻年二十七歲夫亡以已衣被給喪具後冬衣綵麻臥不解帶者凡十餘年自飯糠糲可口者奉姑嗣姑老病便溺遺床褥氏朝夕扶澣五年如一日撫孤旣壯復沒先是爲叔娶室叔亡亦無嗣凡殮喪皆氏任之乾隆十四年旌

樊氏九都泥湘儒童周叔宣妻成婚入載夫亡氏年二十三絕粒欲殉不得乃引刀刺面以矢靡他家貧資紡績養姑及子乾隆十五年旌

熊氏儒童吳心佑妻年十九歸心佑九載心佑亡守節奉姑存沒盡禮子任瓏能教之有成早年遊泮至乾隆十五年蒙

旌

傅氏儒童吳政發妻庠生傅基女幼知書嫻禮則年十八適吳舉子三人越十年政發病故氏欲殉以翁老姑盲而止奉養周備及葬祭皆拮据盡禮撫孤不少姑息俱克成立兩入邑庠道顯尤以文行著孫曾繁衍亦多補弟子員行將丕振家聲節孝之報未艾也至乾隆二十年蒙旌建坊於中港洲之西南

胡氏文思傑妻年二十一夫亡截髮封釵入木爲誓孝敬舅姑撫姪爲嗣嗣天復爲繼孫壽七十三歲乾隆二十四年旌
曾氏儒童張賢濱妻邑孝廉起球之姊年二十二歲夫亡守節

善事繼姑能得歡心撫孤成立孫嘉謨嘉驥俱成名乾隆二十五年 旌

鄭氏廩生樊鳴謙妾年二十五歲鳴謙沒事姑與嫡敬謹無違課子嚴切俾克有成至乾隆二十六年蒙 旌

熊氏儒童舒懿彥妻年二十四夫亡遺孤方三月不得殉乃剪髮納棺中自誓養姑撫子且以長齋終其身乾隆二十七年 旌

章氏儒童黃文德妻年十九歸文德四載文德亡守節奉事舅姑如禮撫孤嘉訓入泮早歿復與弱媳舒氏同志孀居撫穉孫二教養辛勤後俱成名章壽七十六歲卒乾隆二十八年 旌

王氏儒童陶御添妻年二十四夫歿截髮毀容安貧守貞立從子為嗣事姑以孝聞乾隆三十年 旌

朱氏儒童王聯杏妻年十六歸王生一子歿越九年夫亡堅志守節自甘淡薄以甘旨奉舅姑撫弱叔成立乾隆三十六年 旌

姜氏舒懿夏妻年十九歸懿夏事舅姑以孝聞姑患大疽醫藥罔效姜以口吮去膿毒危而得痊歷六年夏亡亟立夫兄次子為嗣逮葬畢閉戶雉經死乾隆三十年 旌

易氏梁氏俱儒士齊以武副室以武卒時易年二十八梁年二

子為嗣逮葬畢閉戶雉經死乾隆三十年 旌

易氏梁氏俱儒士齊以武副室以武卒時易年二十八梁年二

子為嗣逮葬畢閉戶雉經死乾隆三十年 旌

十六觸棺欲殉姑周氏曰死非難不死而能成大志爲難況汝嫡病奄然一息夫殯未畢誰爲攸助者乃止與嫡氏姚苦志守節三人相與茹素衣敝日夕勤紡績以給乾隆庚寅年

旌

饒氏王昇遠妻年二十四歲夫亡守節養姑撫孤孝慈兼至壽六十餘歲卒乾隆年間旌

吳氏黃文周妻早寡守貞孝義兼盡乾隆年間有司上其事蒙旌其門

樊氏胡昭文妻家貧守節艱辛萬狀冰操不渝後獲蒙旌典

建坊

徐氏焦逢時妻年二十一歲遇強暴逼污不從乃斷其臂死而

復甦時乾隆十一年九月縣令李方榕申詳府司院俱給有

匾額旌獎

熊氏胡西瑞妻年二十一歲吳氏胡受俚妻年二十一歲熊氏

周孔受妻年十九歲俱以隣婦造言污讟含忿投水自盡縣

令魏宸瑞申請乾隆四十三年旌

桑氏萬元傑妻夫貧逼氏改適不從投繯自縊夫懼亦赴水死

縣令魏宸瑞以矢志不更匾額旌之以上舊志

進賢縣志卷二十一

列女

節婦 貞女 附壽臻百歲

孝婦

孝女

賢媛

附五世同堂

節婦

梅氏三都能令也之妻康熙甲子年 旌

焦氏二十四五都楊啟嵩妻乾隆五十八年 旌

胡氏坵溪儒士陳大漢之妻年十九而寡為夫立後當事詳請

旌表

楊氏十八都儒士胡仰延妻奉 旨建坊旌表

萬氏二十二都儒士雷鳴時妻年八十九卒乾隆間 旌

熊氏支欽授妻欽授歿氏痛哭欲身殉舅姑諭之乃強起執喪

事嗣後衣素食疏數十年如一日事舅姑盡孝教子成立乾隆己巳年 旌

陳氏八都儒士龔宏江妻年十七于歸越二載宏江歿無嗣氏矢志靡他潔修澹以奉舅姑數十寒暑無倦容後撫姪爲子以奉夫祀嘉慶庚午年 旌

黃氏二十八都太學生樊本洪之妻本洪卒氏年二十五冰檠自持撫姪爲嗣年六十八卒題請 旌表

葉氏庠生饒崢妻嘉慶年間 旌

段氏饒昌貴妻嘉慶十年 旌

溫氏三十五都李左宜妻嘉慶癸酉年 旌

舒氏八都生員黃嘉訓妻夫歿時氏年二十八歲勵志清操乾隆己酉年 旌

陳氏王志傳妻嘉慶丙寅年 旌

文氏二十二都文廷楨女適餘干彭殿琳爲妻殿琳歿氏剪髮盟心撫姪爲嗣嘉慶戊辰年 旌

許氏城內儒童龔序爵妻序爵歿氏年二十三孝事舅姑繼姪三台爲嗣嘉慶十九年 旌

焦氏二十八都儒生樊謙梧妻謙梧歿一子僅二歲氏奉二孀姑自生養死葬極其誠敬非大故不歸寧三尺童子罕有識其面者現年五十六已詳請 旌表

劉氏二十二都文成楫妻道光元年旌

陶氏上八都陳學郊之妻于歸未及百日夫亡時氏年二十六痛不欲生因舅姑年衰抑哀盡養撫姪之昌爲嗣鞠育教誨不啻已生日夕惟勤紡績禮範嚴肅親隣罕見其面現年五十九道光二年詳請旌表

李氏下八都吳正邦妻夫歿氏年二十五恐死養舅姑侍奉盡禮撫姪士大爲嗣言笑不苟紡績操持凡諸吉禮從不與年八十五卒道光二年詳請旌表

周氏十一都王建廷之妻夫歿時氏年二十四歲甘貧守節撫孤成立嘉慶二十四年詳請旌表

章氏三十三都周祖星妻年二十守節撫孤佑泰教以義方媳日瞽孫庠生維楨賴其養育道光二年詳請旌表

萬氏二十二都胡世繩之妻夫亡時氏年二十五歲無嗣氏矢志靡他奉舅姑以孝聞後撫姪中島爲嗣早入郡庠以奉夫祀嘉慶二十二年詳請旌表

以上新增已旌節婦

王氏游雲昇妻戊子兵變氏年二十一有姑趙氏病且老舉族逃避氏獨衛姑側兵奪之姑泣堅抱不釋兵欲刃之氏詭曰存姑命願往旋至村傍墜溝而死

樊氏舒世體妻順治戊子時被寇掠不屈赴水死

饒文貞工部郎中饒元珙女南昌儒士龔重華妻順治戊子七月兵至氏縫其衣告華曰如此萬無生理惟有速死耳頃之投崖死

饒就瑛段城饒勝四女湖南朱三錫妻遇強暴執節而死時年二十六

袁氏饒尙旭妻夫死守節上事孀姑袁氏下撫寡媳仇氏三世苦節共聚一堂聞者哀之

丁氏饒果妻順治戊子七月遇兵鄒家渡果被害氏遂沉水死鄧氏庠生饒驥妻順治戊子七月從夫避兵皂溪驥被執氏卽投水死一女一婢從焉

范氏饒燾妻二十四歲守節年七十一卒

夏氏二十二都雷德極之妻年二十夫亡守節三十八年貧無以給茶檠自甘現年五十八歲

夏氏二十二都按察司照磨雷逢辰妻年二十四夫亡守節撫孤成立現年五十五歲

楊氏三十七都齊啟寵妻年二十一夫亡撫姪志萱爲子年七十一卒

章氏三十七都齊敬洲妻年二十九夫亡守節撫孤子故撫其孫成立年八十二卒

文氏二十二都鹿塘村胡欽透之妻年二十八夫亡甘貧苦節

勤紡績以教子諸伯叔或強以再醮正色拒之

萬氏二十三都周坊村胡傳德妻乾隆己酉陳藩憲獎

徐氏二十三都焦盛今妻乾隆甲子九月強暴拉氏手逼汚氏

以刀自斷其手暈絕仆地族人救之獲甦按察使李獎以斷臂

完貞邑令李獎以掌缺身完

舊志載焦逢時妻徐氏事同當是一人

胡氏焦埠村儒士焦其綦妻年二十一夫故無子立姪祥永爲

嗣姑弱善病婦侍湯藥未嘗廢離孝養誠篤現年五十三

焦氏上湖村儒士陳先沼妻年二十二夫故無子撫姪爲嗣苦

志守節孝養舅姑弗衰現年五十三歲

傅氏二十三都儒士徐九江妻年二十六夫故無子撫姪學成

爲嗣現年五十

羅氏雷彼雲妻年二十一守節家貧藉紡績度日現年八十一

歲

周氏三十三都迴峯村儒士楊允嘉妻年二十五夫歿撫姪爲

嗣苦節五十六年歿年八十歲

章氏三十三都舊居村庠生周日簋妻夫歿氏年三十忍死養

舅姑育幼子年九十卒

周氏三十四都北頭村儒士吳益恕妻夫歿氏年二十六矢死

守節撫姪爲嗣現年七十四

周氏三十三都社下張良瑚妻夫歿時氏年二十四苦節五十四年今尚存

葉氏三十三都舊居村周汝學妻夫歿氏年二十七甘貧守節紡績以養翁姑育幼子苦節四十八年今尚存

傅氏三十三都下入坊儒士周汝淮妻汝淮歿氏年二十二今尚存苦節四十三年

周氏三十七都墨溪村游紹武妻夫歿氏年十八矢志不二撫姪爲嗣苦節四十九年卒

陳氏一都義坊趙成演妻二十六歲守節享壽九十六歲歿何氏胡敦位妻夫歿氏年二十四忍死奉舅姑撫姪爲嗣年五

十五卒

吳氏十都庠生曹建勳之妻二十三歲守節年六十三卒
李氏三十八都徐之鑾妻苦節孀居

楊氏三十七都大塘村儒士齊敬彭妻夫歿氏年十九比欲身殉因舅姑勸止終身孝養弗衰以禮自閑苦節三十一年歿

辜氏三十八都徐文顯妻孀居六十五載年九十一卒

胡氏十都儒士方揚滔妻二十二歲而寡撫姪爲嗣苦節四十二年現年六十三

會氏十都萬一華妻夫歿氏年二十三家無宿貲甘貧苦節數十年躬紡織自活以鞠二孤

曹氏十都萬一堯妻夫歿氏年二十持節數十年撫孤成立
萬氏七都傅繼煥妻夫歿氏年二十八守節堅貞事舅姑克盡
孝道年六十二卒

胡氏二十二都儒士雷道炳妻氏年二十四夫故矢志無他孝
事舅姑撫二子俱成立年六十一卒

徐氏二十二都儒士李芳會妻夫歿氏年二十二守節盡孝撫
孤成立年八十四卒

吳氏十三四都儒士焦祥鳳妻十七于歸挑燈佐讀夫歿氏年
二十二哀痛欲以身殉舅姑泣勸乃止姑以痛子致病氏奉
湯藥未嘗左右離撫孤成立教以義方現年七十五

王氏十三四都儒士黃亦蘭妻夫歿氏年二十七痛欲死族姻
勸止撫姪爲嗣治家嚴三尺童無敢輒入中堂現年七十一
萬氏儒士曹芬妻芬歿氏年二十八事姑孝訓子嚴守節十三
年而歿

滕氏二十二都雷學寬妻夫歿氏年二十六一子僅周歲矢志
撫孤現年六十一

吳氏二十二都文奪錦妻夫歿氏年二十二撫姪爲嗣教養婚
娶已經成立不幸繼子又歿氏遂與婦徐氏同居守節撫養
二孤煢煢子立衣食不給而茹檠飲冰卒無異志現年五十
六

進賢縣志 卷三十一
文氏二十二都胡道全妻夫故時氏年二十六欲以身殉父母
勸諭乃止家貧無依而奉姑撫子拮据以給年七十三卒

宋氏六都儒士鄧茂洪妻年二十二夫故氏守節至七十六歲
督學金邑侯溫俱獎之

李氏六都儒士舒懋城妻夫歿氏年二十七守節至六十四歲
卒

胡氏八都張良庠妻夫歿氏年二十守節至六十三歲卒

汪氏二十二都儒士于誌紹妾誌紹歿氏年二十七現年五十
四

葉氏十六都張賢梓妻年十九夫故年六十六歲卒

趙氏十八都張良柱妻夫歿氏年十七矢志不移現年五十六
鄧氏八都黃志高妻志高歿氏年十七有以改醮動之者氏指
天日以誓冰霜之操數十年如一日年六十二卒

向氏八都黃文璋妻年三十夫歿或勸以他適氏曰雖家貧無
依惟有沿村乞食以養孤兒耳現年七十有一

方氏八都李祖熹妻年二十四夫歿氏矢志靡他上奉白髮下
撫孤兒數十年甘苦備嘗堅貞不易年七十有九

萬氏八都李德謨妻年二十九夫歿氏勵志清操言動必以禮
戚里莫不敬之年五十有九

饒氏三八都朱偉德妻年十七于歸未及三載夫故氏截耳盟

心柏舟矢志奉養舅姑克敦孝道無子撫姪亮宗爲嗣年五十卒

楊氏三十八都朱叔徽妻叔徽歿氏年二十四忍死撫孤紡績以給朝夕白首無間壽六十六卒

喻氏三十八都朱在口之妻年二十三夫故氏痛不欲生冰操凜凜二十餘年壽五十八卒

張氏二十八都樊本侃妻年十九夫亡守遺腹子子復歿撫孤孫代夫終養守志五十一年年七十卒

夏氏十都儒士饒思溱妻二十四歲守節五十四現年七十八錢氏十都儒士饒茂相妻二十五歲守節現年五十八

胡氏三十三都三房村周文哉妻二十四歲夫歿苦節五十餘年卒

雷氏十三四都萬孔章妻二十七歲夫歿守節四十五年吳氏九都艾秋翰妻年二十七夫歿守節三十餘年

齊氏羅石村傅世濟妻年二十六夫故誓以身殉舅姑慰止之乃竭力孝養課子讀書爲邑庠生後子承德又歿三孫俱幼氏復撫孫成立壽八十有四卒

黃氏二十八都樊實鉞妻夫歿氏年二十一生子一甫三歲教養婚配母兼父職生事死祭婦盡子禮家徒壁立惟以十指營生其孫以棠以其事請于南昌知府賀長齡獎之

陶氏二十八都樊鍾英妻年二十五而寡一子僅二齡甘貧苦節五十六年年八十卒

舒氏二十八都樊恭寧妻于歸八月而夫亡撫姪以承夫嗣苦節五十五年

徐氏二十八都樊恭寅妻年二十六夫亡一子貞勤方歲半又撫夫弟之子貞勇貞勇生二十三日而父歿三年而母繼逝

氏以一身撫二家之孤綿一綫之緒艱苦備嘗現年七十八萬氏梓溪舒以楠妻二十九歲守節八十歲歿

羅氏舒懋詮妻年十九夫歿勤紡績以奉衰姑撫姪有彩爲嗣現年八十六

黃氏舒世梅妻夫歿氏年二十七撫姪以櫛爲嗣教之成立雖貧困而矢志不渝年五十有四卒

熊氏舒世桂妻夫歿氏年二十二與黃氏爲妯娌而苦節相同年五十一卒

魏氏舒以選妻年二十一夫歿子德富生甫數月氏艱辛鞠育資織紉爲炊年七十七卒

婁氏舒以宣妻夫歿氏年二十一子德紹生甫數月撫養孤嬰勤苦自給守節五十餘年未嘗見齒亦未嘗一踰閭闔年七

十一卒

尚氏三十一二都舒以償妻二十八歲守節茹苦食貧事姑撫

子年五十九歲

尚氏三十一二都舒以荅妻二十九歲守節現年五十

周氏儒士舒懷妻二十三歲守節年八十二

熊氏舒世隆妻二十八歲守節年八十餘卒

楊氏三十一二都監生舒懋薪妾夫歿氏年十九嫡以家貧氏

復年少遣之氏矢志不去與嫡撫夫幼弟懋蕃候其成立生

子以承夫祧後嫡歿氏孤苦更甚凡懋蕃教養受室俱氏竭

力成之年五十二卒

邱氏十都方正鳳妻夫歿氏年二十八奉姑鞠子恃織紉以爲

生苦節三十四年

朱氏十都方卓儒妻年二十四而夫故撫猶子承夫嗣苦節四

十六年現年六十九

萬氏二十三都大傑岡張良盛妻夫歿氏年二十一事姑孝撫

孤慈年八十五卒

後氏二十三都官溪村胡世清妻年二十八夫歿守節年五十

二卒

張氏二十三都徐開健妻年十七于歸十九夫歿遺腹一子徐

世翔氏年八十八卒

何氏二十二都文名俊妻年二十六夫死守節教育孤子光焯學

成光焯復卒妻張氏年二十九與姑甘貧茹苦白首完操何

氏年八十有三卒張氏現年六十三一門雙節盈塘村

張氏二十二都文如漢妻年二十一夫歿一子甫六月氏矢死

靡他年六十卒

羅氏二十三都萬奕聰妻年二十五生子一而夫歿氏矢志撫

孤年七十二

胡氏二十二都文穎倬妻年二十一生子甫四月而夫歿守節

撫孤現年五十二

羅氏十六都儒士李光節妻年二十五夫卒一子甫周歲氏苦

志撫孤年七十餘歿

胡氏十六都李盛澤妻夫歿氏年二十二一子甫週歲氏矢志

撫孤後姑歿哀哭喪明年踰八十

李氏十六都姜坑村胡學名妻年二十四夫歿立姪為嗣現年

五十一

胡氏赤岡林觀遠妻于歸一載夫卒氏哀痛自經者數次賴家

人解救防護得不死撫姪含宏為嗣年踰八十卒

沈氏十六都羅秉鎬妻年二十四夫歿子興壽甫一歲適有以

家貧子幼勸其改醮者氏變色斥之年八十五

胡姓一門四節長房胡國蕙妻宋氏二十一歲夫故無子繼姪

邑庠其耀為嗣現年八十五二房胡國崧妻夏氏年二十六

夫故有二子長繼國蕙為嗣現年八十目覩五世同堂三房

進賢縣志 卷二十一
胡國薦妻萬氏年二十六夫故守節歿年七十三四房胡國
蔚妻雷氏年二十一夫故無子繼姪承祧現年七十二四氏
均青年守節白首完貞可謂節孝成風矣二十二都鹿塘村
熊氏鹿塘村胡企夏妻夫歿氏年二十撫姪承嗣歿年六十八
胡氏二十二都青山村連家元妻年二十五夫故守節歿年八
十二
胡氏青山村連家茂妻年二十三夫故守節歿年七十六
胡氏青山村監生連輝璧妻年二十九夫故守節現年五十二
于氏車溪村張肇照妻年二十七夫故守節現年五十二
譚氏鹿塘村胡映珍妻年二十一夫歿守節現年五十三

連氏鹿塘村胡欽岌妻年十七夫歿無嗣繼姪尚明爲嗣歿年
八十五

文氏鹿塘村胡金庭妻年二十二夫故無嗣繼姪承祧現年六
十三

樊氏上八都坵溪陳應盟妻夫歿氏年二十五父母憐其貧欲
奪其志氏以死誓拮据自給教子成立

徐氏二十二都墪坪村文日承妻年二十二守節撫孤成立八
十二歲歿苦節六十年

姜氏上八都坵溪陳啟志妻夫歿氏年二十八甘貧守義苦節
二十九年

傅氏上八都坵溪陳鍾妻十九歲生子甫週夫歿守節年五十四卒

楊氏上八都坵溪陳紹郢妻年二十三夫歿子甫三齡家業蕭然不能舉火氏日勤紡績以撫遺孤六十餘年不辭勞瘁

胡氏潤鎮村于法湛妻夫歿氏年二十撫姪文錦爲嗣歿年七十八

于氏魚溪村楊觀元妻夫歿氏年三十甘貧守節現年八十一萬氏陳紹鄆妻夫歿氏年二十一遺腹一子家甚貧父母憐之勸他適氏曰此負心之行吾不忍爲也守節四十年歿

章氏舊居村監生周汝韞妻夫歿氏年二十九撫姪爲嗣現年

五十一

李氏舊居村周廷蘭妻夫歿氏年二十八守節撫子子復天乃育姪孫爲孫以承嗣現年五十

萬氏王聯裘妻夫歿葬畢自經

焦氏十三四都朱景遠妻年三十夫歿守節八十一歲歿

洪氏三十四都李宜開妻宜開歿氏年二十五甘貧守節五十四歲歿

何氏三十八都雲山副榜朱二南妻年二十二守節教育孤子名偃郡增生年八十六歲終

傅氏城內中洲儒士胡周蘊妻年二十六夫故子僅二齡氏矢

進賢縣志 卷三十一
志撫孤養殮不繼坦如也從叔世英見其心堅金石撥田二十餘畝贍其母子以勵清操苦節二十餘年

何氏南隅儒士張景金妻年二十三夫亡守節不出戶限父母迎之歸終身不一往年六十九卒

江氏北隅饒芳模妻年十九夫死無嗣守一女後女適庠生劉興鳳迎氏養之始終以禮自閑臨終戒曰我死慎勿假男子手卒年七十三

江氏正隅楊國顯妻年二十八夫故代夫養親爲夫繼嗣苦節二十九年卒

張氏東隅胡之宣妻夫歿氏年三十家極貧而冰霜自厲苦節二十餘年

艾氏城內儒童黎德輝妻年二十七夫歿數年一子復天撫姪孫承祧年七十三卒

艾氏城內儒童黎德樹妻年二十二夫亡無子撫姪爲嗣姑老病侍奉無違足不踰闕者五十餘年與姒艾氏稱一門雙節文氏二十三都譚禮也之妻禮也歿氏年二十六一子甫半歲苦節三十五年現存

萬氏在城中洲州同吳鳴臯之妻鳴臯歿氏年二十八矢死靡他冰清玉潔孝順翁姑克盡婦道生兩子延師課讀長以敬邑庠幼以德國學苦節三十八年享壽六十六歲

游氏楊彥泰妻年十八適彥泰家貧事姑盡婦道常乏食輒輟已殮以奉姑姑不知其忍飢也二十七夫亡守節益茹荼撫

孤始終不懈年七十六

吳氏饒瑩妻二十一歲守節年五十三卒

劉氏饒允城妻二十七歲守節年七十卒

樊氏饒作錢妻二十七歲守節年七十卒

袁氏饒鐸妻二十五歲守節年四十五卒

齊氏饒德鏘妻二十三歲守節年六十八卒

喻氏饒允圩妻二十五歲守節卒年七十四

周氏饒昌夔妻二十四歲守節現年六十

王氏饒昌芝妻二十七歲守節現年五十六

朱氏饒昌澤妻二十一歲守節現年六十一

舒氏饒洪章妻二十一歲守節現年六十五

徐氏饒允主妻二十三歲守節家貧子幼恃織紝爲生撫子成

立

許氏六都朱宗璋妻二十五歲守節現年六十

胡氏十都濠上村劉節萬妻二十八歲守節現年六十七

董氏西灣村胡穎泉妻年二十六守節撫姪爲嗣年六十九卒

陳氏德橋村高孔瑞妻二十五歲守節八十四歲卒親見五世

同堂

張氏三十三都舊居村周成經妻三十歲守節卒年七十五

胡氏十六都李崇嘉妻二十九歲夫歿現年七十四

葉氏三十五都鄒守海妻二十一歲守節現年五十四

胡氏二十三都文邦順妻二十八歲守節現年六十

江氏十五都儒士萬庭椿妻十九歲夫歿守節二十七年

胡氏二十二都文逢博妻二十歲守節歿年四十二

萬氏二十二都胡國珍妻二十二歲夫歿守節二十八年

龔氏濠上村夏毓綿妻二十九歲守節現年六十五

朱氏十六都庠生夏雲彩妻二十七歲守節現年五十七

李氏十五都胡秉政妻二十三歲守節現年七十

馬氏一都顏容光妻二十三歲守節現年六十七

程氏五都舒懿澤妻二十九歲守節現年八十八

萬氏儒士傅國瑛妻二十八歲守節撫孤成立現年七十六

江氏熊錫躬妻二十歲守節撫姪光迪爲嗣現年六十四歲

張氏熊光通妻二十五歲守節現年五十九

許氏八都洪元寃妻十八歲守節卒年七十一

熊氏何景明妻年二十一夫亡遺腹生一子家貧紡績以養舅

姑杜門不出親族罕見其面年六十六

焦氏白石源熊耀用妻年二十三歲守節撫孤現年七十歲

詹氏胡春雷妻年十九而寡年七十三卒

徐氏十三四都儒士胡懿蘭妻年二十二夫故守節年八十八卒

江氏二十二都文大趙妻二十六歲夫故守節二十五年

舒氏八都胡傳經妻二十三歲夫故守節三十餘年

呂氏十三四都胡方召妻年二十八歲夫歿守節六十一年

許姓一門三節長房國學許烈之妻支氏年二十七夫故苦節

終身四十九而歿次房邑庠佐廷妻吳氏年二十三夫故守

節五十三年七十五歲歿三房邑庠佐國妻江氏年二十二

夫故守節五十七年七十八歲歿可謂節孝萃于一門矣一

都洲上村

胡氏二十二都張轅勝妻年二十五夫故守節五十三年甘貧

無怨年七十七歿

章氏二十二都文永萱之妻年十九夫歿矢志靡他撫孤成立

現年六十八歲塚坪村

胡氏十一都儒士徐光黻妻年二十二夫故遺腹一子氏矢志

靡他撫孤成立苦節二十年歿木墟村

傅氏工部郎中饒元珙妻順治戊子七月避兵于許方潭舟中

忽追舟將及氏卽湧身入水葛衫浮水上未卽沒會追舟沒

老僕急持篙救之得不死翼日聞工部畢命撫尸一慟徑絕

良久始甦年七十五卒

趙氏饒元璠妻夫死守節從姪宇朴有捺淡貞心存白髮之句
以上新增待旌節婦

萬氏吳月華妻三十二歲守節現年六十三

楊氏二十二都文儒俊妻三十三歲守節卒年六十九

陶氏八都章道庭妻三十五歲守節現年六十五

萬氏六都儒士傳紹郊妻年二十夫故甘貧守節年三十一卒

楊氏十三四都胡右長妻三十一歲夫故氏痛不欲生翁姑諭

止之乃勉起治喪冰霜自矢現年八十三

李氏中洲生員胡振裘妻夫歿氏年三十二恐死治喪至今四

十一年節操莊嚴祖姑常患癰氏吮之而愈族中有孤獨者

時賑恤之現年七十三

焦氏熊載弁妻年二十六夫故矢志守節

樊氏儒士熊於上妻年二十四夫故一子均安僅四齡撫之成

立復歿氏泣曰夫死從子子死將安望乎誓不欲生某年卒

李氏吳仕蘭妻年三十二夫故矢志守節年七十六卒

秦氏吳啟信妻年三十一夫故守節現年六十二

陳氏十五都廩生萬琢妻琢歿氏年三十五賢而好施凡邑中

善舉勗其子廩生叔權竭力爲之年六十六卒

程氏二十八都樊秩妾秩歿氏年二十六守志不移嫡氏呂善

病氏盡職不辭勞瘁嫡歿氏衰經治喪待之如舅姑禮族里

稱之

舒氏二十八都樊貞元妻年二十五貞元歿舅姑傷之氏百端解慰事葬悉盡禮遺腹子兆坊教之嚴謹

謝氏十三四都朱孟麟妾年三十一夫歿守節七十三歲卒
許氏十都監生周兆璜妻年三十二夫故守節現年五十三
文氏在城儒童胡曰蘇妻年十九夫亡誓不獨生舅姑勸慰之
勉就飲食守志以歿南昌郡守賀獎以完貞著美

趙氏附貢生吳瑜妻二十五歲守節南昌郡守獎以矢志堅貞
吳氏武舉人金殿颺妻三十二歲守節現年五十一歲

吳氏瑤塘村監生陳維才妻年三十二夫故守節五十六年卒
吳氏瑤塘村儒士陳賢俸妻夫故時氏年三十二痛不欲生孀

姑吳氏勸止之現年七十

鄒氏下羅坊羅克楨妻少年喪夫矢志守義邑令姚獎以松筠

高節嘉慶元年以嗣子荃 馳贈孀人

熊氏六都江遇墀妻二十三歲守節撫孤成立人無間言

胡氏十六都李崇崑妻二十九歲夫歿守節至五十二歲卒

陶氏下八都吳正華妻二十六歲守節七十五歲歿

李氏二十二都文逢泉妻年二十九夫故甘貧守節教子之灝

入泮旋補增廣沒年四十五

舒氏二十九都胡彩文妻青年守節現年五十五歲

饒氏三十三都舊居村文童周汝榮妻年二十夫歿氏比以身殉得救甦母憐其貧無依欲奪其志氏以死誓自是零丁孤苦而節操彌厲

王氏中洲儒士吳際槐妻際槐卒氏年三十二數年一子復歿守節二十四年現年五十五

饒紫玉梓溪劉斯陸妻斯陸早歿氏甘貧守節撫兩孤成名

何元善妻李氏齊之千妾周氏齊訓妻劉氏齊季斌妻章氏舉人齊以禮妾李氏徐之鑾妻李氏齊啟家妻樊氏齊啟嵩妻朱氏余繼貞妻李氏妾汪氏余文俊妻周氏俱守節完操萬氏饒昌蔚妻二十二歲守節三十二歲卒 以上俱採訪冊

以上年例稍有未符暨問未詳其年歲者附錄於後

貞女

明

萬珍瑛十都萬大璉之女讀書曉大義秉性貞靜嘉靖間土賊王閣五作亂聞其賢淑欲強聘之逼其父大璉不得已密諾之越日遣輿迎女知其故潛攜小刀去至南頭門自刺而死年甫十九賊怒焚其屋鄉里弔者咸感嘆泣下 採訪冊

貞女樊氏章漢妻 採訪冊

國朝

饒烈女名靜貞貢生元璩女也年甫及笄嫻姆教溫恭貞淑會

戊子金逆叛郡邑村市倉卒奔遯靜貞孱不能前執母手泣
曰女子于亂軍中有死無二矣一躍赴深池死舊志

雷救英二十二都雷中耀之女許字顏姓未歸夫亡守貞不再

醮卒于母家採訪冊

陳凌媿南昌庠生學湛次女邑朱衣聘妻衣好學而貧凌母憂
之凌媿閒謂其母曰人貴立志席餘蔭而自棄大不幸也里
有夫死再醮凌媿哂曰是禽獸行也未幾衣死凌媿欲往不
得乃投繯死時年二十有一歸櫬于朱與衣合塋里中人咸
白衣冠送之乾隆十二年旌舊志

閔氏女許字儒童樊本麟爲妻自幼以孝聞未嫁麟亡時閔年

十有八聞訃痛絕往夫家欲殉翁姑諭曰殉吾子死不如代
吾子生閔乃強起執婦道如在室事父母時始終無二立叔
子爲後恩勤如已出以竟夫未竟之志守貞三十五年乾隆
十二年旌副憲雷鋈爲撰閔貞女傳

桂姑文元璞之女許字餘干張義行之子年十七婿訃至桂姑
聞之哀泣卽欲往弔父母禁之不得往遂毀粧持服父母議
更字女聞之以死誓頭觸階石血流被面死而復蘇者再父
母知志不可奪亦不强女謹守閨範終身不聞嬉笑聲親鄰
罕見其面年七十一卒里人感其義立龕祀之採訪冊

涂氏涂昭發之女許字三十六都樊貞幹貞幹病故時女年十

二聞之卽往夫家先謁舅姑繼詣夫塋願相從地下舅姑慰諭之乃止立姪爲嗣氏守節盡孝志凜冰霜現年四十五

採訪冊

樊貞女名田姬謙虛之女也幼爲南昌柘林吳某養媳年十二未婚而吳郎死誓以死守爲夫立後年六十餘未嘗一日有笑容吳族敬之

採訪冊

烈女龔氏章名涇之聘妻氏母家貧十二歲章門以爲撫媳事舅姑婉婉聽從問安視膳必謹道光元年七月名涇出外病暑歸時氏年十七與名涇同歲憂形于色飲食湯藥皆親手自調授翁姑進之每夜人定後輒聞其啟戶翁窺之則于祖

先前跪禱祈以身代閹數日名涇歿氏哀泣欲絕塋後三日上墓問家人曰此墓旁餘地尚可塋一棺皆漫應曰諾舅姑見其過時而哀不減慰之曰汝與親生無異必擇一名門作配斷不使失所也氏亦無喜愠之色至八月四日忽痛哭不止次日門久不啟呼之不應撬門入視已自經矣第見身衣麻衣上下密縫遂成其志以之就斂與夫合塋下肆立碑時皆自然合拍不差累黍此殆節烈所致有莫之爲而爲者初氏父夜夢柏生于庭高數十尺次日氏生因喜曰此女定有松柏之壽而不意其有松柏之操也

採訪冊

饒月嫫幼字南昌楊滙川年二十楊以瘵卒女歸楊門成婦禮

修婦職迄今二十餘年矣而節孝之聲彌彰

採訪冊

孝婦

何氏十五都胡鏗妻長汀訓導何玘女善事舅姑正德六年夏寇至姑老病難於行何負之踰牆避焉姑尋以驚卒暨冬寇復至衆皆逃匿何泣守姑柩不去遂被執至苦腸陂曰此死所也胡不速殺我罵不絕口赴水死次日夫收屍貌如生人咸哀焉

舊志

徐星若妻王氏甲午春姑患噎醫藥不效氏夜坐床側姑泣謂曰我病革恐非藥所能瘳倘延至八月使汝夫得與賓興吾目瞑矣氏泣不成聲至五月病轉劇氏默禱于神割股以進

服之漸痊姑疑前事屢詰之不以實對然姑已默喻之曰汝事如此可謂孝之至矣昌吾後者其在汝乎越一載姑以病終氏哀毀幾至傷生其他治家訓子悉有法度可則倣

採訪冊

舒德標妻陳氏舒世筐妻樊氏俱割股救姑

採訪冊

孝女

趙孝女名郡珍趙叔式之女母萬氏正德間叔式以吏攜家京師萬氏病于僦舍郡珍親嘗湯藥衣不解帶者累月萬歿郡珍痛母客死願以身從先與父訣一日晨起哭奠異溢于室詔表其門

舊志

賢媛

進賢縣志 卷二十一
姚氏儒士齊以武妻少讀書年十八歸以武以武負才而盲性
卞急氏事之唯謹相得甚而久不生子氏勸其納妾堅不從
知夫不欲有寵加于氏也乃潛投門外池中水淺露衣夫哭
而尋之拯出越日乃甦夫乃置妾易氏梁氏皆不育以武歿
撫二妾共守乾隆庚寅易梁年逾五旬氏云守節固婦人分
內事然此二人者冰瑩二十餘年且善事姑及予不忍沒其
苦爲之請 旌建坊氏素好義輕財如修橋梁立茶亭便民
之舉知無不爲齊爲南昌進賢大族氏獨力捐建宗祠置祭
祀族黨莫不敬之副憲雷鉉稱爲巾幗丈夫有姚氏事略舊
志

章氏三十八都儒士徐之釗妻持躬訓子具有法度乾隆戊子
捐貲獨造塔山石橋一座

劉氏二十二都庠生于源妻性貞靜嚴重孝事孀姑勸夫力學
成名夫歿訓子有方名登庠序鄉里賢之

饒氏三十三都周洛書之妻夫歿子幼守節教讀備嘗艱苦子
孫食廩餼入膠庠登賢書皆氏督課所成年八十二歲

徐氏二十二都文大木之妻性仁慈孝順尤知尊師傅教子孫
不以家貧少怠其子若孫采芹藻領鄉薦皆氏培養之力享
年七十六 採訪冊

李氏在城邑庠吳以敬妻性慈惠孝姑恤貧禮賓延師極誠敬

進賢縣志 卷三
子孫選明經鄉國學皆有人壽八十四無疾而終

五世同堂

譚氏二十六都鄉耆陶建茂妻年九十一子二孫九曾孫二十一元孫一

楊氏十三四都儒士胡右長妻現年八十三一堂五代

傅氏十都監生萬步廷妻嘉慶丙寅年八十有三五代同堂

恩賜眉壽延慶匾額賞給銀緞

萬氏二十二都金邦蘭妻年九十有三五世同堂 恩賜匾額

李氏二十九都歲貢胡懋勤妻五世同堂

章氏三十三都舊居村庠生周日簠妻監生惟馨母壽九十子

一孫三曾孫十元孫二五世同堂而兼節孝

王氏舊居村惟馨妻眼觀五代年七十八

晏氏十三四都陡門鄉賓吳秉椿妻親睹五世同堂

支氏八都監生陳銓之妻附貢大任歲貢常之母壽逾九十五

世同堂

夏氏二十二都胡國菘妻青年守節現年八十目覩五世同堂
以上採訪冊

附壽臻百歲

宋

曾氏三都熊必隆妻宋端平元年甲午生至元元統乙亥年歿

年一百有二朝廷旌帛兩次蠲免子孫徭役御書坤質永貞四字旌之 採訪冊

新增補五世同堂 附後

胡氏二十三都孟坊村儒士徐修信妻現年八十二歲道光三年詳請 旌表五世同堂

